



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1628. usque ad annum 1634

Fleury, Claude

August. Vind. [u.a.], 1778

VD18 90118871

§. 23. Extrema Rupellensium obsessorum Calamitas, ac pertinacia.

[urn:nbn:de:hbz:466:1-67394](#)

latis anchoris retrocederet, ac demum Sæc. XVII.
in Angliam reverteretur. Unde Secta- A.C. 1628.
rii consilio, annona, ac alieno subsidio
destituti in unica animorum pertinacia,
& munitionum robore salutis suæ spem
reponere maluerunt, quam ad debi-
tum Regis sui obsequium reverti, ejus-
que clementiam implorare.

§. XXIII.

*Extrema Rupellensium obfessorum ca-
lamitas ac pertinacia.*

Jam integer ab urbe obsessa annus vol- Gramond.
tebatur, intra quem nonnisi unica Hist. Gall.
commeatu onusta scapha incolumis Ru- lib. 18.
pellam advehi potuit, jejunum pror- Monet. l.c.
sus famelicæ multitudinis levamen: Calmet Hist.
unde in immensum famæ invaluerat, Univ. l. 151.
pag. 315.
cibus in victum aut nullis, aut ipsa
asservandi sollicitudine atque mora cor-
ruptis. Supererat modica frumenti
portio Nobilium usui reservata, non tam
ad levandam quanæ irritandam ventris a-
viditatem utilis: jamque tanta vescarum
rerum egestas non modo Oppidanorum
præcipuos, sed & ipsam Rohanæi Ma-
trem, Sororemque incesserat, ut, ne
rabies edendi vitalia depasceret, qua-
tuor equos, quorum ipsis erat ad
rhemam usus, sale & pipere respersos
carni substituerent: demum deficienti-

E 4 bus

Sæc. XVII. bus in urbe hisce cupediis, cives at
A.C. 1628. canes, feles, & mures caro venales
& absurdæ quæque vellenda converte-
bantur, hæcque avida manu discepta
sine concisionis aut coactionis cura
præ impatientia calentis stomachi fa-
turitatem festinantis, ciborum quam-
dam in similitudinem redigebant; pro-
cessu temporis extremam famem ex-
siccatis animalium coriis explere fune-
stus vitæ amor suaferat: calceaments
crepidæ, ocreæ, coria longo usu de-
trita, ipsæ soleæ in lebetes missæ, la-
giusque affusa aqua maceratae, ha-
demum pene morientium delitiae,
illorum dapes erant apparatu Persio-
potiores: Effodiabantur pugionibus
manuumque unguiculis, sylvestres n-
dices & herbæ, gulæque collecta co-
piditas in tam cruda dape ultimum pra-
teritæ famis solatium ac condimentum
inveniebat, potissimi etiam inter gran-
dinantes obsidentium globos, atque evi-
dentissima vitæ vix non fugientis pen-
cula ostreas aliaque per arenas serpen-
tia animantia, quæ littorum in vad-
recedens maris æstus destituerat, cer-
tatum collegerant, rara tunc tamen,
neque tantæ famelicorum turbæ su-
fectura, neque scrutantium' solertia
semper opportuna: Hic toto trimeti-
obscenis cibus, hæc Rupellæ calamitas
inde

indeque nata stomachorum vitia, tabes sæc. XVII.
corporum, corruptelaque viscerum, una-
cum febribus, quibus jamjam plus-
quam tredecim civium militumque mil-
lia absunta fuere, nedum tamen fra-
cta rebellium ferocitate, qua ipsimet
pulverem pyrium distraxerant, belli-
que tormenta, ne Regias in manus
venirent, impactis clavis obstruxerunt,
cum tamen facillime, nisi legitimum
Regem suum debellandi furor præva-
lueret, suam suorumque vitam, facul-
tates, & ærumnas implorata clemen-
tia, honestaque deditio redimere
potuissent. Non deerant quidem, qui
vel calamitatibus expugnati vel per-
duellionem pertæsi impensius extremo
malo remedium opponi efflagitarent.
Attamen ad horum lamenta surdæ e-
rant obstinatorum aures, quinimo ob-
servatum est, quod in unico mense fre-
quentiores, quam per longum antea
tempus, nuptiæ fuerint celebratæ, eo
fine, ut urbe expugnata Calvinistarum
Filiæ Maritis Religione Catholicis nu-
bere prohiberentur. Adeo insanum e-
rat Hugonotarum odium in Catholi-
cos, regiosque.

A.C. 1628.

E 5

§. XXIV.